

**Note su lis zontis e su lis modificazions - introdusudis cu la Deliberazion dal Consei di Aministrazion ARLeF n. 25 dai 26 di Avrîl dal 2018 - al Regolament sui criteris e su lis modalitâts pe concession di contribûts pe promozion de lenghe furlane intai setôrs de editorie, dal spettacul e de ricercje scientifiche**

Cu la deliberazion citade in ogjet e je stade fate cualchi modifiche al Regolament sui contribûts de ARLeF par sveltî lis relativis proceduris amministrativis, e par specificâ cierts aspjets leâts al rindicont dai contribûts stes.

Si segnale, in particolâr, che:

1. il limit che si indiche tal articul 7, come 1, letare c), al podarà jessi ogjet di deroghe in sede di aprovazion dal bant;
2. a son stadis simplificadis lis formalitâts par domandâ eventuâls variazions dai elements progjetuâi o dal preventîf di spese, che in ogni câs a laran presentadis in maniere preventive;
3. cun riferiment ae rindicontazion, a saran ametudis compensazions fra lis vôs di spese dentri dal 25 par cent des stessis, o se plui bassis di 1.000,00 euros. Cun di plui, lis spesis ametudis a rindicontazion a podaran jessi sostignudis, intal an solâr dal bant di riferiment, fra il tiermin iniziâl (ancje se di prime de emanazion dal bant o dal at che al à disponût il rifinanziament des anualitâts sucessivis ae prime, in câs di bant plurienâl) e il tiermin finâl di realizazion des iniziativis progjetuâls. Chestis a varan di jessi comprovadis di faturis cun cuietance o di documents contabii che a àn fuarce di prove ecuivalente e che si riferissin a ativitâts fatis intal an solâr dal bant di riferiment, e licuidadis dentri de scjadince dai tiermins di rindicontazion.